

Pravilnik o radu 12. Međunarodnog bijenalnog festivala umjetnosti minijature

1. Organizator Međunarodnog bijenalnog festivala umjetnosti minijature (u daljnjem tekstu Bijenale), je Javna ustanova Bosanski kulturni centar Tuzlanskog Kantona Tuzla (u daljnjem tekstu JU BKC TK/Organizator), ul. Mije Keroševića Guje Br.3, 7500 Tuzla, BiH.
2. Bijenale se održava svake dvije godine, dana 20.10. kada je zvanično počela sa radom JU BKC TK.
3. Službeni jezici Bijenala su: bosanski, hrvatski, srpski i engleski.
4. Pravilnik o radu 12. Bijenala (u daljem tekstu: Pravilnik) donosi Organizacioni odbor 12. Međunarodnog bijenalnog festivala umjetnosti minijature.
5. Konkurs je otvoren za sve umjetnike koji prihvataju uslove Pravilnika. Izbor tema i tehnika je slobodan, a u skladu sa ovim Pravilnikom za izlaganje će biti prihvaćeni samo oni radovi koje selekciona komisija bude vrednovala kao djela visokog profesionalnog i umjetničkog dometa. Umjetnici konkurišu sa najviše tri rada u jednoj ili više kategorija.
6. Izložbene kategorije su: crtež, grafika, slikarstvo, skulptura i instalacija.
7. Maksimalna dozvoljena dimenzija iz kategorija crtež, grafika, slikarstvo (u dvodimenzijalnoj tehnici) su 10X10 cm, a u koliko postoji paspartu 20X20 cm. Radove ne stavljati u ramove ili okvire. Za radove u tri dimenzije maksimalna veličina je 10X10X10 cm.
8. Na poledini rada potrebno je naljepiti naljepnicu sa čitko ispunjenim podacima te označenim smjerom postavljanja radova (ili dati dodatno objašnjenje). Naljepnica je propisana od Organizatora i sadržana je u prijavnom formularu. Naljepnicu autori mogu preuzeti u digitalnom obliku na web stranici www.bkctuzla.ba.
9. Prijem radova vrši tehnička komisija koju imenuje Organizator.
10. Tehnička komisija će odbiti sve radove koji odstupaju od zadanih dimenzija navedenih u članu 7. ovog Pravilnika, te utvrditi ispravnosti radova prilikom prijema i napraviti zapisnik o njihovom eventualnom oštećenju, a što će biti dostavljeno autoru. Organizator ne snosi odgovornost za oštećenja radova u transportu.
11. Prijave na konkurs uz prateću dokumentaciju podnose se na prijavnom formularu koji se može dobiti od Organizatora. Također prijavni formular se može dobiti elektronskom poštom sa e-mail adrese info@bkctuzla.ba.
12. Prijavni formular popuniti čitko štampanim slovima sa svim traženim podacima. Podaci iz prijavnog formulara bit će upotrijebljeni za katalog Bijenala. Autori se obavezuju da blagovremeno obavijeste Organizatora o eventualnoj promjeni adrese.
13. Radovi i prijavni formular dostavljaju se na adresu JU BOSANSKI KULTURNI CENTAR TK TUZLA, MIJE KEROŠEVIĆA GUJE BR.3, 7500 TUZLA, BOSNA I HERCEGOVINA.

14. Autori koji žele pokloniti radove Organizatoru naznačuju to na atribuciji djela (naljepnici, uz formular). Poklonjeni radovi će biti vraćeni autoru ukoliko Organizacioni odbor ne prihvati nijedan od radova za izlaganje.

15. Izložbenu selekciju radova, te koncept postavke vrši kurator izložbe na prijedlog Organizacionog odbora. Obavještenje o rezultatima selekcije će biti dostupni na stranici Organizatora.

16. Na prijedlog Organizacionog odbora radove će ocjenjivati međunarodni žiri od pet članova u sastavu.

1 – Katarina Galić, Široki Brijeg, BiH,

2 – Nermin Delić, Bihać, BiH

3 – Georgette Ivette Ponte, Rijeka, Hrvatska

4 - Maja Živanović, Beograd, Srbija

5 - Enver Mandžić, Tuzla, BiH

Biografije članova žirija dostupne su kod Organizatora.

17. Organizator zadržava prava da potvrdi članove međunarodnog žirija, te u slučaju spriječenosti pojedinih članova da imenuje drugog člana bez sazivanja Organizacionog odbora.

18. Nagrađeni radovi ostaju u zbirci Bijenala kao vlasništvo Organizatora.

19. Organizator će publikovati tipski katalog sa kataloškim podacima i reprodukcijom jednog rada iz kategorije za koju se autor prijavio ili ako je autor izlagao u dvije ili više kategorija njegov rad će biti reprodukovano i u toj kategoriji.

20. Autori se odriču prava naknade za reprodukovanje rada u katalog, kao i za propagandu izložbe u cjelini.

21. Svaki izlagač uz povrat svojih radova dobija primjerak kataloga bez naknade.

22. U slučaju nepredviđenih i vanrednih okolnosti izložba neće biti održana.

23. Ovaj Pravilnik stupa na snagu danom usvajanja od strane Organizacionog odbora. Pravilnik će biti objavljen na web stranici Organizatora.

N A G R A D E

Organizator Bijenala u dogovoru sa nagrađenim autorima organizuje samostalne izložbe u narednoj/2024. godini u Galeriji JU BKC TK TUZLA, uz sve preuzete troškove organizacije. Nagrađeni autori dobijaju prikladne plakete uz novčanu naknadu.

Nagradni novčani fond iznosi ukupno 3.500,00 KM.

- GRAND PRIX – 1.000,00 KM
- OSTALE KATEGORIJE – 500,00 KM

K A L E N D A R M A N I F E S T A C I J E :

Konkurs je otvoren od 05.06.- 10.10.2023. godine;

selekcija radova je 12.-13.10.2023. godine;

žiriranje je od 17.-18.10.2023. godine;

svečano otvaranje je dana 20.10.2023. godine uz svečani koncert;

izrada kataloga je do 30.11.2023. godine;

povrat radova i kataloga su do 01.05.2024. godine.

**Predsjednik Organizacionog odbora
12. Međunarodnog bijenalnog festivala
umjetnosti minijature
Damir Gazdić**
